

Lovac iz Kladnja ranjen u napadu medvjeda na Konjuhu, životinju usmrtio u samoodbrani

BiH

10.11.2025. 09:16



Prema navodima koji su se pojavili u javnosti, lovca iz Tareva kod Kladnja, Edina Vejzovića, u nedjelju ujutro, napao je medvjed dok je boravio na čeki na planinarskoj stazi poznatoj kao Borina staza na Konjuhu.

Kako se navodi, Vejzović je u jednom trenutku primijetio dva medvjeda iznad šumske staze, nakon čega ga je veći od njih, navodno medvjedica, iznenada napala. Lovac je, prema njegovom svjedočenju, uspio reagovati na vrijeme i pucnjem se odbraniti od životinje, zadobivši pri tome više povreda po glavi, vratu i nozi koje mu je, kako navodi, nanio medvjed.

Drugi medvjed je pobjegao nakon pucnja.

Nakon što je uspio savladati medvjeda koji ga je napao, Vejzović je pozvao kolege u pomoć, a ubrzo je zbrinut u Domu zdravlja Živinice i Univerzitetskom kliničkom centru Tuzla te pušten na kućno liječenje. Prema njegovim riječima, zahvaljujući prisebnosti i iskustvu izbjegao je gore posljedice te je izrazio zahvalnost medicinskom osoblju koje mu je pružilo pomoć.

„Neka se ovo meni desilo, a ne nekom planinaru bez oružja i iskustva. Ishod bi sigurno bio tragičan“, poručio je Vejzović.

Na mjesto događaja izašli su policijski službenici Uprave policije MUP-a TK-a koji su obavili uviđaj.

Inače, medvjed je u Bosni i Hercegovini zaštićena životinja i lov na njega je strogo zabranjen, ali u slučajevima direktne ugroze života ili očite samoodbrane - primjena vatrenog oružja može biti opravdana. Sve okolnosti napada i upotrebe oružja utvrđivat će nadležni organi.

federalna.ba/Dino Durmić

Lovac

medvjed

PREPORUČENO

Smrtno stradao lovac u Gradačcu

BiH

17.11.2024 13:28

Istražitelji Sektora kriminalističke policije Policijske stanice Gradačac obavljaju uviđaj na lokalitetu Mioni...

Medvjed napao i lakše ozlijedio muškarca u Lici

Svijet

07.09.2024 17:23

Medvjed je u petak navečer na području Plitvičkih jezera napao i lakše ozlijedio 64-godišnjeg mu...

Pronađeno beživotno tijelo lovca iz Tomislavgrada, utvrđeno da je smrt nastupila nasilnim putem

BiH

08.06.2024 21:40

Na području Kovač planine (iznad naselja Eminovo selo), koja se nalazi sjeverozapadno od Tomislavgrada, jutros...

Jedni kažu da ga ima, drugi da ga nema – zove se Maša

BiH

20.03.2024 21:47

Dok jedni pričaju o Europskoj uniji, jedni o svetkovinama i neradnim danima, a jedni, pak, o ratovima i drugim...

U Peruu kostim 'romantičnog medvjeda' pomogao u hvatanju trgovaca drogom

Svijet

15.02.2024 15:33

Peruanska policijska brigada, čiji je jedan pripadnik bio prerušen u medvjeda i simulirao romantičnu po...

Nadležna ministarstva KS: Medvjedi u urbanim dijelovima grada uznemirili građane

BiH

18.05.2023 18:57

Ministarstva komunalne privrede, infrastrukture, prostornog uređenja, građenja i zaštite okoliša...



Prijava



Facebook



Youtube



Instagram



Redakcija federalna.ba
Bulevar Meše Selimovića 12
71000 Sarajevo
redakcija@federalna.ba